



Ran khuahkhirh nasa zawkin kalpui zel dawn

Branch News

Chanmari West, 7th July, 2013 : Chanmari West Branch YMA chuan kan veng chung a lo thianglim zawk nan veng chungah ran khuahkhirh mek chu nasa leh zual a kalpui zel a tum a ni.

Chanmari West veng chungah hian ui leh ar vel chhuak a tam thei hle a, hetih lai hian Local Council chuan ran khuahkhirh hi a kalpui reng a; mahse, hetiang dinhmun hi kan nih reng tho avangin Chanmari West Branch YMA chuan ran chhuak hi a ngaimawh a ni.

Hetiang hi kan dinhmun a nih avangin ran khuahkhirh hna chu Branch YMA kuta hlan turin Chanmari West Local Council hnenah a dil ta a, anni chuan phal

takin he mawhpurhna hi Chanmari West Branch YMA hnenah chuan an pe ta a ni. Tichuan Chanmari West Branch YMA chuan chak takin ran khuahkhirh hna hi a thawk ta a ni. Tum eng emaw zat ran vai hian an thawk chhuak tawh a, ran chhuak pawh an man nual tawh a ni.

Tunah hian chak zawk leh nasa leh zual a hmalak an tum a, section leh mimal ran chhuak man duh apiang m pawh man turin a beisei a ni.

Laipuitlang leh Ramhlun venglai leimin tuar tanpuina sem dan

Laipuitlang leh Ramhlun Venglai leimin tuar tana tanpuina hmuh zawng zawng hi Rs 97,43,022.00 a ni a, kan Branch-in Rs 60,000.00 in kan tanpui a ni. Tanpuina pawisa hi hetiang hian sem a ni.

- | | | | |
|-------------------|-----------------|------------------------|----------------|
| 1. Mitthi - | Rs 68,00,000.00 | 2. Hliam - | Rs 1,94,000.00 |
| 3. In chhe vek - | Rs 16,51,822.00 | 4. In thenkhat chhia - | Rs 30,000.00 |
| 5. Bungraw chan - | Rs 10,67,200 | | |

- | | | |
|--|---|---------------------|
| Vice President Pu K. Darthantluanga | - | Chawngbawla Section |
| Secretary Tv Zairemmawia | - | Khuangchera Section |
| Asst.Secretary Pu RL Thanhnuna | - | Vanpa Section |
| Treasurer Pu R. Lalmachhuana | - | Taitesena Section |
| Fin.Secretary Pu Lalrinliana (Sir Tea) | - | Neuva Section |

Election Commission-in Electoral Roll-a in thun thar tur India khua leh tui dik takte tan dilna hun a hawng leh ta a, Chanmari West vengchungah India khua leh tui dik takte tan dilnaah Branch YMA hriatpuina lak dawnin mahni ngei kal theih loh chuan chung hna takte ni lo leh Political Party hruaitute laktir lo turin Branch YMA chuan mitinte a ngen a ni. Tin, Roll-a India khua leh tui ni lo thun tawh paih tur hriate chuan an hming leh Pa hming leh an awmna Section leh inluah neitute Branch Secretary hnenah lehkha emaw Phone hmanga hriattir tura ngen kan ni. Ram leh hnam humhalh YMA Kumpuan hre renga Foreigner Roll-a thun lo turin mitinte ngen kan ni.

Ni 1.7.2013 Thawhtan zing khan Branch OB ten Bialtu MLA hmuin Zawlbuk sakna tur MP Fund hmuh theih dan tur an sawipui.

Ni 2.7.2013 Thawhlejni khan CEC meeting Central YMA committee Room Tuikhuahtlangah an thu a, kan Branch Vice President Pu K. Darthantluanga a tel .

Tv C. Lalramenga S/o Pu C. Lalarliana Branch President chu British Army (Infantry)-a tling chu an lawmpuiin an chhuang hle.

Pi Melody Sailo W/o Pu K. Darthantluanga Vice President hritlang khawsik chu a dam leh thuai an duhsak.

Executive member Pu T. Ngurkhuma a hnathawhna Serchhip atangin Deptt. meeting pawimawhah telin a tul hle.

Executive member Pu Lalthanruma Tawipui South-a zin leh Pu RK. Rozidinga eizawna thila Lungleia zinte dam taka an lo haw thuai an duhsak.

Adviser Pu A. Biaklawma dam sam lo chu a dam leh thuai an duhsak.

Property Sub-Committee ten YMA Park-a pipu siam that tumin hma an la mek a, veng chung naupangte hriat thiamna an ngen.

Khuangchera Section ten Branch-a Budget Rs 5000/- an tlak fel thei chu Branch YMA in lawmthu a sawi

Executive member Pu C. Lalmuankima pawh in tha tak neih tumin insain a buai thei hle.



TUNKAR CHANGVAWN

“Tunge fing a heng hi hrethiam thei ang; Tunge fingvara hre thei ang...? LALPA kawngte chu a dik a, Mi dikte chuan an zawh dawn a ni si a. Bawhchhetute erawh chu chutah chuan an in chhuih thlu dawn a ni”.

Hosea 14:9

Editorial Board

Editor:	RLalringheta	9862358337
Joint Editor :	Lalchhandama	9862358347
	JLalnangliana	9862399658
News Editor :	Thangkhuma	9862303135
	Lalchhuanmawia	9862580558
	KLalremtuanga	9862119608
Cir.Manager :	Jacob Lalrinsanga	9612319779
Production Manager :	RL Thanhmuna	9436152760

Branch Office Bearer

President	<i>C Lalarliana</i>	9436142049
Vice President	<i>K Darthantluanga</i>	9436196071
Secretary	<i>Zairemmawia</i>	9862385654
Asst. Secretary	<i>RL Thanhnuna</i>	9436152760
Treasurer	<i>R. Lalmachhuana</i>	9436151817
Fin.Secretary	<i>Lalrinliana</i>	9862581814
Adviser-te :	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

Editorial :

Kum chanve han hman zawh hi chuan tha hi a zawi deuh riau thin a, heng hun a lo thlen hi chuan intuaitar hi kan mamawh a ni.

Chutihlai erawh chuan kan hmalakna tur leh tihtur hi chu a awm reng thin tho si. Chawlh mai a thieng lo va, thut mai lah a theih hek lo, hetiang hun a lo thlen hian hruaitu tha kan mamawhna a zual a, hruai tur tha member kan nih a ngai bawh.

Kumin chu kan veng kan vanneih rih a, chhiatna nasa kan tawh lo va, harsatna rapthlak tak kan tawh lo hlauh a, a lawmawm hle a ni. Thihna pawh kan vanneih avangin kan kum dang aiin kan tawng tlem a ni, heng zawng zawng avang hian inthlahdah lo va, kan inpek thar deuh deuh angai a, eng buaina emaw harsatna emaw kan tawh palh a nih pawhin tumah inthlahdah lo va kan chet tlan zel a tul awm e.

Ran khuahkhirh hi Local Council mawhphurhna a ni a, amaherawhchu, an hna an tlin tawh loh avangin YMA in hma kan la a, a zia deuh hawk chuan a hriat. Kan inthlahdah lo bawh angai a, mi tupawhin kan man a, then thianghlim hi kan mawhphurhna a ni tih kan hriat a, kan beih talh talh a tul awm e.

Kan vengin MPL kan khel tling a, thahnemngaih a ngai a, Pathara zarah MPL chungchang chhiar tur kan nei a, a lawmawm hle mai.

Article**Mizoram Premier League Chu ?***Lalnunthara Sailo*

Mizoram Premier League, MFA leh Zonet Cable TV tangkawpin an buatsaih chu Mizorama football inelna sang ber a ni chho mek.

He inelnaah hian team 8 awmin lawmman pawh Pakhatnain Rs 5,00,000; Pahnihna - Rs 3,00,000; Pathumna - Rs 2,00,000; a hniam berin Rs 50,000. Team 8-te hi inkhel kualin team-te hian wawi 14 theuh an khel dawn a, a chakin Rs 3,000, chak loh in Rs 2,000 dawngin an inhnehtawh chuan Rs 2,500 ve ve an dawng.

MPL hi August 2013-ah tanin November 2013-ah an khel zo ang. Lammualah zana inkhelh theih turin light an buatsaih mek a, MPL pawh hi zanah khelh ngei tura ngaih niin an inkhel hi Zonet-in live-in a pe chhuak bawh ang.

Chanmari West FC leh MPL

MPL hi professional kalphung zuiin MFA-in a kalpui a, Mizorama Football team tha bik 8 zingah Chanmari West football team a tel thei hi thil ropui leh chhinchhiah tlak a ni. MPL khelh hi a hautak hle a, hnatlang type-a khelhtir ngawt theih a ni lo va, subroto huamin state aiawha khel tawh player-ten season khatah Rs 10,000 aia tlem lo an hlauh ngei ngei a ngai. MPL buatsaihtute hian player-te hamthatna an ngaihtuah tel ran a, player-te hlauh neihtir loha khelhtir ngawt theih a ni lo. Hetiang a nih avang hian MPL khel thei team-te an insengso nasa hle.

Chanmari West-in kan khel ve dawn a, player 22 neih a ngai a, chung player-te hnenah chuan mi pakhatath thla tin thla 4 chhungin (a tlanglawn thei ang bera chhut chhinin) Rs 4,000 theuh sen ni ta se $4 \times 4000 \times 22 = \text{Rs. } 3,52,000$ a ngai dawn tihna a lo ni a, hetiang zozai pawisa hi CWSC hian khawi atangin nge a neih theih ang? Sporting Club hruaitute lu a hai map lo thei lo vang.

Zotea leh Sangha zawrh

A ni lak taka Pu H Lalramhlunate hmel leh hruaitu dang hmel han hmuh hi chuan engzat nge i thawh ve theih ang an ti deuh ziah bawh si. A nih loh leh Sangha Kg eng zat nge in lei ve theih ang? an ti awl lo va, an hruaitu hlun Zotea hmel leh sangha puhlip thenfai lohte hi a inhme hrum rum tawh.

Chutiang a nih loh leh ko an han thlak ve a, lucky ticket an han zuar a, pakhat chauh lei han tum ila, pheh nga vel an lo pawthla hman a, sumtuak leh khawn an ngah tawh lutuk avanga inthlahrung em em in ti lo thei lo dinhmuna ding sia hma an han la thin hi chu an khawngaihtlak letling thin ngawt mai. An tana hlawkna tur awm hauh lo, infiammite tan leh veng hmasawn nan tia hma an la tih ngaihtuah thiampui tan chuan an inpekna hi a zahawm ngawih ngawih thung.

Ruihhlo Vrs infiammi

Mizoramah mipa aiin hmeichhia 14000 chuangin vote nei an tam zawk a, he ti taka mipain hmeichhia kan zat lo hi engnge a chhan ni ang le? A chhan tam tak a awm thei ngei ang a, a chhan pawimawh tak pakhatath chuan Mipate ruihhlo vanga thi an tam vang a ni ngei ang. Ruihhlo hian min tibuai hle a, tlangval changkang leh hmantlak tur tam tak ruihhlo vangin an khawlo a, a hun lovah an thi a, hei hi hnam tan pawh a pawimawh em em a, churang chuan YMA pawhin nasa takin ruihhlo a do hial a nih hi. Hetiang kan nih mek lai hian infiammi ruihhlo laka fihlim tam tak an awm a, chung mite chhawmdawl zawnga hmalak chu a pawimawh hle.

Lam kan them leh kuhsi kan hlauh pei

Sporting Club hian mipui hnena pawisa an khawn hmain tuna an thil neihte atangin (Phek thumnaah zawm a ni)

Chawngbawla Section

☐ Kar kalta zing karah khan kawipui zunin siam a hnatlan thin a ni a, thawkchhuak thin zawng zawngte chungah lawmthu an sawi. Pi Rintluangi'n ₹ 500-in hnatlang a pui a, Pu Kawramvela'n thingphel leh mau min hman tir a, Pu Zara, Branch YMA President-in a motor a hman tir bawk avangin lawmthu an sawi.

☐ Ni 2.7.2013 zan khan section committee Pu R. Thansanga (L) inah meeting a ni a, thu pawimawh tak tak rel a ni.

☐ Section wise hnam lam intihsiak neih turah section chhunga YMA member leh YMA chhang member zawng zawngte Ni 9.7.2013 (Thawhle) zan hian YMA Park-ah kal khawm vek tur a ni e.

☐ Nimin Inrinni khan Chawngbawla Run siamin nileng a hnatlan a ni.

Khuangchera Section

☐ Ni 2.7.2013 (Thawhle) zan khan Ni. H. Vanlalhruiite inah meeting a ni a, thu pawimawh tak tak rel a ni.

☐ Ni 29.7.2013 (Inrinni) khan YMA RUN thuam thain hruaitu hnatlang a ni. Hruaituten hmalakna ngai pawimawh leh zual turin an inchah.

☐ YMA RUN kawngkhar atan rangva petu an hruaitu Pu Lalrosanga s/o K. Lalengmawia (L) chungah lawmthu an sawi.

☐ Silver Jubilee fund chhungtinah khawn tan tum a ni a, tlawmngaia lo pe fel nghal turin chhungtinte an ngen. Silver Jubilee atana YMA member tinah ₹ 20 khawn chu hruaitu mahni bial la tifel lo ten a ranglama tifel thuai turin an inngen.

☐ Hnam lam intihsiaka section inelna turah organising committee a ruatte vawiiin chawhma inkhawm banah hian Pu Lalliansangate inah inhmukhawm tur a ni a, kim tak kal tur a ni e.

☐ Section wise hnam lam intihsiakna tur atana lam zir hunah YMA member-te lam zir vek turin an insawm.

Neuva Section

☐ Ni 1. 7 .13 (thawhtan) zan inkhawmban khan Section Meeting neih a ni.

☐ Ni 2, 4, 5, 6 zan khan Leaders'

Directory zuara sumtuak hnatlang neih a ni a, member hnatlangte leh tlawmngaia lo leisaktu zawng zawngte chungah lawmthu an sawi a. Ni 5 zana hnatlangte Thingpui lumsaktu Pu Lalzarzovate chhungkaw chungah lawmthu an sawi.

☐ Silver Jubilee thawhlawm chhungtin hnenah khawn mek a ni a, chhungtinte tlawmngaia lo pe turin an inngen.

☐ Ni 6. 7. 13 inrinni zing khan Section huamchungah Faina hnatlang neih a ni.

☐ Vawiiin tlai hian Section chhunga rawn awmtharte tlawhchhuah pah a duty neih tur a ni a. Tlai dar 3:00 ah Pasaltha Neuva Inah in nghahkhawm tur a ni.

Vanapa Section

☐ Jubilee Fund leh chhiatni fund vawiiinah khawn fel vek turin bial neitute an inngen a, Tv Hmingthansanga Fin. Secretary hnenah thehluh tur a ni.

☐ YMA Chanchinbu man la pelo ten Tv C Vanlalruata hnenah pek fel vat tur a ni.

☐ Ni 29. 6. 2013 hnatlang neihah heng mite hnen atang hian hnatlang tanpuina dawn a ni. Pu R. Lalhmachhuana (Ihma-a) ₹ 100, Pi Saichungi w/o L Romawia (L) ₹ 500, Pu H. Lalnuntluanga Squash (7 Bottle).

☐ Nimin khan Footpath slab chhungin hnatlang a ni.

☐ Thawhle zan hian Pu K Rochungnunga kawtah Lam zir tur a ni a, Lam zir nana phal taka kawtzawl hman phalsaktu Pu K. Rochungnungate chhungkaw chungah an lawm hle.

Taitesena Section

☐ Ni 5. 7.13 (zirtawp) zan khan committee an thu a, thu pawimawh tak tak an rel.

☐ Section wise Hnam lam Competition atana in buatsaihna Ni 10.7.2013 (zan) atang hian zir tan tur a ni a, member a tam thei ang ber leh hnam lam thiamsate phei chu tel ngei turin an inngen.

☐ Vaivakawn nen a kan inrina Welcome signboard chu a bo avangin siamthat tuma hmalak mek a ni.

☐ Pu M Zolianate chhung NE Tlangnuam khua atanga lo pempte

Pem lehkha chu an chhiar chhuak a, an in luahnate an hriat mai loh avangin a rang thei ang bera Section Leader hnena inhriattir turin an ngen.

☐ Ui leh ar khuahkhirh na kawngah hma nasa taka lak chhoh mek a ni. Silver Jubilee fund chhungkaw tin a khawn tur chu an khawn tan mek.

☐ An hruaitu Tv Laltnanlua zin pawh dam takin alo haw leh tawh a, an Treasurer Pu RK Rozidinga eizawna avanga zin mek pawh dam taka alo haw leh thuai an beisei.

☐ Chhiatni Fund Report:

(a) Beisei zat = ₹ 70700

(b) hmuh tawh zat = ₹ 72800

Khumna = ₹ 2100

(article - MPL Chu ? chhunzawmna)

pawisa a tam thei ang ber an hmuhchhuah phawt hnuah anmahni committee huang chungah kum dang aia nasain an thawhkhawm phawt ang a, chung chu an tih hnuah mipui hriatin an pawisa dinhmun puangzar se la. Miin an theih tawk an tih hnuah an dinhmun hriatsakin puihbawm dan thiam a awlin puihbawm a chakawm thin. Sports hi mi zawng zawngin an tuipui tlur lem lo tih hre chungin Sports-a tuimiten hma an hruai ang a, mipuiin an hnung an zui ang. Infiammite pawhin mipui puih chak khawpa an khelh a pawimawh. EPL-ah Manchester City pawh an chak ngun ve hnuah tantu an nei tam ve sawt hle a, Man United tantu chanve an tling ve thelh tawh ang.

Veng tan

Lala, Chanmari West-a cheng hnen atangin Ruihhlo/zu thahnem tak man a ni. Chanmari West tangvalten an venga leng tlangval pahnih thi lek lek khawpin an sawisa a, an bike an hal sak bawk tih ang reng hi chanchin buah in ziaak fo mai sela Chanmari West nih chu a nuam hauh lo vang. Central YMA Football tournament-ah Chanmari West tlangvalte an champion, Olympic-ah India-in gold 7 a la a, heng zinga 5 hi Chanmari West nula tlangvalte lak a ni tihte hi hre ta ila a nuam ngawt ang. Kan veng chanchin a tha zawnga hriat kan duh chuan 'Veng tan' tiin kan tanrual a pawimawh. MPL hmachhawm tur hian a hma aia nasain tanrual in tum teh ang u hmiang.

PROPERTY

❑ Park huamchhunga Pipu chhia chu siamtha tura hmalak mek a ni a, peih thuai tum a ni.

❑ Hun remchangah hnatlang neih tum a ni a, hruaitute lo inring turin an inchah.

❑ Vengchung Information Mike tha lo a awm anih chuan Property Sub Committee OB te hriattir thin turin an engen.

ELECTION NOTICE

Election Commission of India -Thu pek angin special summary revision of photo Electoral Roll 2013 neih tur a ni a, Ni 1.1.2013-a kum 18 tling chin tan dil theih a ni. Hming thun leh paih leh siamthat ngai chuan a hnuai hming ziaakah hian dilna form lain, Ni 1.7.1013 atanga Ni 15.7.2013 chhungin theh luh tur a ni.

1. Chanmari West-1 (Vanapa section) - C Vanlalchhuangi (Machhuangi)

2. Chanmari West - 2 (Chawngbawla section) - JH Hmingthanchuanga

3. Chanmari West - 3 (Taitesena Section) - C Lalmuankima (Muantea)

4. Chanmari West - 4 (Khuangchera Section) - Lalrinliana (Sir Te-a)

5. Chanmari West - 5 (Neuva Section) - Lalrinchhana

Lawmthu sawina

Kan pa F. Lalthlangliana (57) boral chungchangah vengchung Nu leh Pa mai bakah, Chanmari West Branch YMA-ten in hun hlu tak senga a tul ang ang min tihsak bakah kuang mawi tak leh puana min tuam avangin kan lawm em em a. Kan chungah inthatna hi keini chhungkua chuan engtikah mah kan rul seng dawn lo che u a, Pathianin a let tam takin rul che u in malsawm che u rawh se tih hi kan tawngtaina a ni.

Rosiamliani leh a fate,
Hnahlan, Mual Veng.

ZOFA

❑ Rallulam chu chan chhunzawm leh thuai tum a ni a, memberte film chang thei tura lo inring turin an inngen.

❑ Club memberte mahni awmna Section theuh a lamzir ngai pawimawh turin an inngen.

VOLLEYBALL

❑ Pu Ronie Lalnuntluanga'n practise-te in atan frooti a pe chu an lawm hle.

❑ Dr L. Tochwawng (Eye specialist) - in jersey set khat a rawn pe a, a chungah an lawm hle. Jersey thar neih theihna tura hma lak saktu Tv. Lalduhawma Hnamte chungah pawh an lawm hle.

❑ Pathianni tlai dar 3:00 hian TT Hall Indoor Stadium ah Exe. meeting tur a ni a, member te kal theuh turin an inngen.

FOOTBALL

❑ Ni 9.7.13 Thawhlehi atang hian MVA (Volleyball) Season Opening Tournament neih tan tur a ni a, Ni 22.7.13 khian Football Independence Day Tournament neih tur a ni bawk. Veng mipuite tawiawm theuh turin an inngen.

❑ Bethel Electronics Millenium Centre-te chhungkuain Chanmari West FC tan sponsorship Rs 30,000.00 lai an pe a, an chungah an lawm hle.

BADMINTON

❑ An member Pu Vanlalhluta chuan Net thar tha tak a pe a, an lawm hle

❑ Mzoram Police (MRP) Badminton Club chuan Ni 13. 7. 13 atang khian naupang kum 10-13 mipa leh hmeichhe tan Govt Mizo High School Hall ah a thlawnin inrinni tin Coaching a buatsaih dawn a, vengchung mi tel duhte chu Pu Lalbiakhlua, Secretary CWBC hnenah birth Certificate kenga in hriattir tur a ni.

Branch Zaipawl

❑ Ni 5.7.2013 zirtawp tlai khan Pasaltha Neuva Inah Branch Zaipawl ten chawhlui kilho a ni a, Branch OB te atangin fuihna thu tha tak tak ngaihthlak a ni. Nilai zan inkhawm ban leh Zirtawp zan apianga hla zir thin tum a ni.

❑ Ni 10.7.2013 (Nilai) zan dar 8:30 hian Branch Fin. Secretary Pu Lalrinliana Inah hla zir tur a ni.

❑ Editor Mangheta pawh an school lama a riah avangin board memberte leh 'midangten' kan ngai hle.

❑ News Editor Chma pawh a dam sam lo va, YMA AW chhutnaah a tel thei lo va, a dam leh thuai kan duhsak hle.

INDUSTRY HNUAIA NLUP LATE TAN

Industry Department hnuai NLUP la te chuan tunkar chung ngeiin a hnuai hming ziaak hnenah hian ₹ 100-in Name Plate khul tur a ni. Name Plate tar lo chuan 2nd Installment an la thei lo ang.

Lalremruata Pachuau (Vala)

K-Section

PUANTHUI KHAWL SIAM THIAM

Puanthui khawl puan engpawh \hui theih turin ka siam thei reng e. Gas Stove pawh ka la siam thei reng e.

Puan\hui khawl, chhuak hmasa puan pawh nalh tak taka \hui thei tlawmte a lei tur pawh ka nei e. Han thlang ve rawh le.

Khawl Gas Stove Siam mamawh chuan han phone la ka rawn pan mai dawn che nia.

Save rawh le LH Chawngthu

☎ 9612322639.

(3-3)

ICFAI UNIVERSITY MIZORAM (Approved By UGC)

Kum 2013 atan ADMISSION a hawng mek.

Zir theihthe:

❑ BBA, BCA, BHTM - (Pawl XII, pass emaw result nghak mek tan)

❑ MBA - (Graduate- Arts, Science, Commerce pass emaw result nghak mek tan)

Hengahte hian Admission Form a lakchhuah theih -

1. City Office, ZoCareer Solution, Near Axis Bank, Chanmari, Aizawl.

2. University Campus, Durtlang North

☎ 0389-2361232 ☎ 9862596226.

3. Website www.iuimizoram.edu.

TWO WHEELERS SILNA

I Two Wheeler-te fai taka awmtir i duh chuan kawngkawipuah khawl hmangin rawn sil tir ve rawh, fai takin kan lo sil sak ang che.

Awm thar

❑ Pu Lalnuntluangate chung member 6, Champhai Vengthar atangin Pu Lalrinmuana in Khuangchera Sectionah.

❑ Pu K. Manthangate chung member 6, Bethlehem Veng thlang atangin Pu Lalngheingpuia In Neuva Sectionah.